



UNIVERSITÄTS-
BIBLIOTHEK
PADERBORN

Universitätsbibliothek Paderborn

Catena Aurea

Ferdinand <Paderborn, Bischof, II.>

[S.l.], 1661

Annulus VIII. Gaudium Academiae.

urn:nbn:de:hbz:466:1-7709

GAUDIUM ACADEMIÆ.



O ET PRÆSIDIVM ET DVLCÈ DECVS MEVM:



Uc Paderana oculos animumque Academia flecte,
 Mira cano; pariunt res nova secla novas.
 Fastidit Phœbum bifidique cacumina montis,
 Nauseat & fontes turba novena suos.
 Montes vestigant alios, saltusque, nemusque,
 Ad fontes properant Padera glauce tuos
 Quem montem quæris? montem ne quære pelasgum
 Grator haud Musis PRINCIPE MONTE locus.
 Mons Princeps aliis Paderanas surgit ad oras
 Celsior; hoc sedem vertice musa locat.
 Quem Phœbum quæris? Phœbo similemve paremve
 Repperias? reperit, credite, Musaparem.
 Res nova, Parnassum sibi quem delegit, eundem
 Et sibi delegit turba novena Ducem,
 Sic Helicon Princeps, sic fit Fernandus Apollo.
 Acclama Phœbo, Musa, Poëta novo,

NUlti intra XLV. annos (quibus stetit) ingenio scientiaq; præstantes viri ex Academia THEODORIANA prodiere; qui Remp. tam Ecclesiasticam; quam Politicam, quantum ornarent, tantum juvarent. In re politicâ innumeros novimus Doctores, qui aut Medicinæ in Physicis, aut jurisprudentiæ in Ethicis istic fundamenta jacerent: novimus ex iis, qui Imperatorum, Regum, Principum moderentur consilia, legationes sapienter obeant, qui jus dicant populo, qui summos magistratus cum dignitate gerant.

In Re verò Ecclesiastica, quis numerum ineat eorum, qui ex Academia profecti Ecclesiam Dei curarent? Quis in urbibus oppidisque Pastores recenscat, in monasteriis religiosos, in templis Cathedralibus Collegiatisve Canonicos & Vicarios, Quis Suffraganeos, Abbates, Prælatos omnes enumeret? Qui stellas cœli, idem Academia nostræ lumina enumerârit. Tot stellis sol deerat; postquam Academia multos edidisset Prænobiles & Illustres, deerat Illustrissimus. Hunc nobis hodierna detexit dies FERDINANDUM Baronem à FURSTENBERG, qui uti olim in Academia literis, sic in Rep. nunc præstaret dignitate. De literis tabula Academicæ Anni 1646. testabuntur, cum studium stadiumq; Philosophicum ingressus, & cum ingeniis non infelicibus congressus, palmam abstulit, omniumque judicium calculis juventutis Academicæ PRINCEPS est proclamatus. De dignitate nihil attinet dicere, ipsa dicit dies, quando, quem privatum olim reverbatur hodie Principem Academia cum tota salutat patria. Fuge ILLUSTRIS-SIME PRINCEPS decus si quod olim ab Academia accepisti, cum fœnore hodie reddidisti, quando splendorem ab Academia acceptum reverberas in Academiam, & per se inelytam, multo facis illustriorem, quippe ILLUSTRIS-SIMUS; & primus ex Academia ILLUSTRIS-SIMUS, ex gente FURSTENBERGICA secundus. Benè ominor. Primus gentis FURSTENBERGICAE Princeps ædificavit, fundavit Academiam, Secundus temporum injuriâ non parum attritam restaurabit, novis favoribus, splendoribus illustrabit. Credo ego latari hodie in calis Academicæ fundatorem. F. R. Principem THEODORUM, tum quia ex consanguinitate, tum quia ex Academia sua nepotem videt in suo collocari folio qui quicquid morte occupatus inchoatum reliquit, absolvere, quicquid absolvit tueri velit & conservare.

Non minor est virtus, quam quærere, parta tueri.

Non minus de posteritate meretur, qui domum ædificat, quam qui factam tectam servat, quid dicam, qui novis accessionibus auget, exornat.

Age DECUS ACADEMIÆ age PRINCEPS ILLUSTRIS-SIME radios collige, splendorem intende, ut quo olim academicogloriabatur Academia, nunc PRINCIPE, nunc MECOENATE, nunc redivivo FUNDATORE & RESTAURATORE uberius lætiusque gloriatur.

FINIS.